



José Francisco Cali Tzay – Naalagaaffiit Peqatigiinni Nunat inoqqaavi pillugit nalunaaruteqartartup tullissaa

Tallimangorneq marsip 13, 2020 Naalagaaffiit Peqatigiinni Inuit Pisinnaatitaaffii pillugit Siunnersuisoqatigiit siulittaasuata suaarutigaa, Naalagaaffiit Peqatigiinni nunat inoqqaavi pillugit nalunaaruteqartartussatut toqqarneqarsimasoq tassaassasoq **José Francisco Cali Tzay**.

Inuit Issittormiut Siunnersuisoqatigiiffiata (ICC)-p Jose Francisco Cali Tzay toqqarneqarneranut atatillugu tikilluaqquaa pilluaqqullugulu.

Toqqarneqarneranut atatillugu allagaqarnermi ICC-p tapersorsimavaa, tulluarluinnarmat Naalagaaffiit Peqatigiinni ammit qalipaataannik assigiinngisitsisarnerup atorunnaarsinneqarnissaanut Commissionimi ilaatigut sullissisimanera tunngavigalugu.

Maluginiarparput tassaasoq nunap inoqqaatut kisiartaalluni Naalagaaffiit Peqatigiinni inuit pisinnaatitaaffinni malittarisassat pillugit sullissisoq, taamaasillunilu suliassaminut tunniusimalluinnarluni pingaaruteqartumik pisinnaatitaalernini suliarilluassagaa qularinagu. Nunap inoqqaaviini suliassanik aamma naggueqatigiit Inuit pillugit siunissami ingerlatsilernissaanik tunniussassaanut neriulluarfigaarput.

Upperaarput suliassaminut ilisimasaqarluarmat soorlu siusinnerusukkut nalunaarusiortartutut sulisimasut Rodolfo Stavenhagen, S. James Anaya aamma Victoria Tauli Corpuz taamaassimasut.

Naggataatigut Victoria Tauli-Corpuz, ukiuni arlalinni nalunaaruteqartartutut sulisimaneranik qutsavigiumavarput.